

PPA su refleho riba 2016

ORANJESTAD – Lider di partido PPA Benny Nisbet a refleha riba e aña 2016 y a comparti su mensahe. Aki bou e puntonan mas importante. E partido ta indica cu ta trahando riba futuro programa tambe.

“Cumpliendo cu nos tradicion PPA ta emiti nos ‘mensahe’ pa final di 2016. PPA a wordo funda pa sr. Juan E. Yrausquin q.e.p.d. na aña 1949 locual ta nifica cu na oktober ultimo PPA a cumpli 67 aña di existencia como organisacion politico. PPA mientrastanto ta un organisacion politico cu historia, experiencia y un bista ‘skerpi’ riba mayoria topico.

Aña 2016 PPA a reuni un 44 bes den nos directiva y Consejo di Partido. PPA tin algun comision encarga cu nos futuro programa cual ta reuni un 2 bes pa luna cual ta un 24 bes pa aña. PPA a duna 131 declaracion ‘por escrito’ na prensa den cual un variacion di topico a wordo trata e.o. Upgrader y su impacto (?), Economia di Aruba e.o. Turismo e.o. all inclusive, cruisetourism etc. Oranjestad Quo Vadis, Futuro di San Nicolas, Aru-parking, Criminalidad, Cambio di Clima, Rising Sea

Levels, Enseñansa Prioridad no 1, Moción y consensus di Desiree, Containerhaven pa Barcadera, Medio Ambiente, Dump na Parkietenbos, etc etc.... PPA a critica funcionamiento di gabinete Mike Eman en particular e crisis Financiero, Económico, hedging, impacto social no suficiente, pero PPA a critica tambe funcionamiento di Staten y cada fraccion ora PPA sinti cu esaki tabata hustifica.

Algun topico cu PPA kier a accentua di nan desaroyo na 2016 ta lo siguiente:

1. E acuerdo pa e ‘transformacion’ di e refinancia den un Upgrader. No a ricibi e atencion necesario durante tratamiento den parlamento. Un gobierno no transparente pero cu un parlamento y un oposicion ya ‘mara’ na un pensamiento a haci cu parlamento no por a sirbi bienestar general di pueblo debidamente cu e acuerdo aki. Peseu PPA ta visualisa hopi dolor financiero pero tambe dolor riba salud publico den e proximo 25 aña cu e acuerdo aki lo por ta vigente cu nos pais Aruba.

2. Diversificacion di nos Turismo. Cu tanto gobierno ta gaba cu cierto cifra di e yegada nos turista tanto

‘stay-over’ of cruise tourism, PPA ta di opinion cu locual tabata necesario durante e ultimo ocho cu acento e ultimo cuatro aña tabata un ‘diversificacion’ di nos producto turistico y un expansion di nos mercado turistico. PPA ta di opinion cu e actual gobierno a faya barbaramente dentro di e tarea aki y cu e futuro gobernacion cu pueblo lo mester eligi lo mester haya e ‘tarea’ cu ta di transcendiendo tal importancia pa futuro di turismo di nos pais.

3. Oranjestad nos capital Quo Vadis? E actual gobierno a inverti masha hopi fondo publico den Oranjestad. Pero visiblemente nan a faya den duna Oranjestad un miho futuro comercial. A faya cu introduccion di e ‘street-trolley’ (Vision di PPA) y a faya den presentacion di un ‘vision propio di gobierno’ kico lo ta futuro comercial/turistico di Oranjestad y con esaki lo wordo ‘mercadea’ den futuro? E introduccion di un Aru-parking na unda a inicia cobra pueblo pa parkeer combina cu ‘klem’ di propiedad di pueblo a crea un rabia enorme den pueblo. Un rabia cu te awe gobierno no kier realisa con profundo e rabia aki ta. Miles y miles di ciudadano no ta bishita ‘cen-



tro di Oranjestad’ pa nan no core riesgo di haya un klem pasobra Afl 75,- ta casi 5% di un salario minimo. Y cu gasto pa nan bay cu bo auto esaki ta bira Afl. 225,- ta nifica 15% di un salario minimo of un pensioen!! Mayoría hende no por biba si nan haya mas gasto diripiente asina! PPA ta e unico cu a propone pone un final na Aru-parking y crea un Aru-guide & Service den su luga.

4. San Nicolas, Our Caribbean Town. Gab Mike Eman no kier realisa e profundidad di e vision aki. A critica nos vision pa añanan pa despues purba tum’e over sin uza su titulo real. Pero ta ehecuta varios proyecto saca for di e vision di PPA, esta un Carnival Village/Museum esta drecha nos watertoren, drecha Nicolaas Store, drecha Uncle Louis Store, pinta riba murayanan. Pero PPA su vision esaki ta encera pintura di historia di Aruba/San Nicolas y con San Nicolas a crece. E pintura actual ta bunita pero varios di nan nos no por comprende e ‘laso’ entre e pintura y e historia di San Nicolas. San Nicolas ta un ciudad Arubiano cu a crece cu un impacto Caribense enorme. E desaroyo aki a larga un impacto social, un impacto cultural, un impacto historico. Tur esaki ta forma e producto di ‘San Nicolas Our Caribbean Town’ cu mester worde proyecta pa e por wordo mercadea y bendi como parti di producto turistico di Aruba.

PPA ta convenci cu esaki lo tin un impacto grandi pero nos ta mes convenci cu esnan cu ta en carga cu e maneho cu ta worde ehecuta. Ta carece di e conocimiento aki.

Aruba World Trade Center

PPA ta un organisacion cu semper a proyecta ‘vision’ grandi pa nos pais iniciando cu ‘vision pa desaroyo di nos turismo’. Durante 2016 PPA a proyecta nos vision pa locual den concepto di PPA lo por desaroya su mes den un di dos of di tres pilar economico PPA ta yame un ‘Aruba World Trade Center’ combina cu un Universidad Internacional cu acento na e facultad di ‘Idioma y IT’ combina cu dos ‘business hotels’. E sitio unda PPA ta desea pa un proyecto asina wordo construi ta parti di e tereno cu a bin liber awor cu e containerhaven a muda pa Barcadera.

Futuro di refinancia y tereno industrial

Mirando e inseguridad cu ta reina rond di uzo di e tereno industrial pa Citgo Aruba NV y specialmente e inseguridad financiero PPA ta mantene nos vision di ultimo eleccion 2013.

PPA ta di opinion cu un bon parti di e tereno industrial aki lo por wordo destina pa ‘Shipbuilding & Shippers’ den e haf natural di San Nicolas. PPA ta kere den un Containerhaven como HUB pa container destina pa otro pais cu no por ricibi e asina yama ‘post Panama vessels’ cu tin un profundidad di 16 meter. Na Aruba e unico haf cu tin un parti cu ta cumpli cu e profundidad ey ta e haf di San Nicolas. PPA su vision ta tene cuenta tambe cu un parti comercial di San Nicolas lo por crece bay pa e haf y PPA ta mantene un parti ainda pa otro desaroyo industrial manera ‘steel companies’ etc...

BONDIA
ARUBA

Pa AVISO den nos Corant

aviso@bondia.com